

नमो नमो निम्मल दंसणस्स

आगमसुत्ताणि



२८

तंदुलवेयालियं

पंचमं पईण्यं

संसोहय-संपायग

निपुण निर्यामिड पू, मुनिराज श्री सुधर्म सागररु म. ना शिष्या

मुनि दीपरत्नसागर

जस्य जज्ञयानी श्री वेमिजायाः जम्

नमो नमो निम्ब दंसणस्त

श्री आनंद-क्षमा-ललित-सुशील-सुधर्मसागरगुरुभ्यो नमः

४५-आगमसुत्ताणि

—: सं सो ह य—सं पा य ग :—

पूज्य मुनिराज श्री सुधर्मसागराज महाराज साहेबना शिष्य

मुनि दीपरत्नसागर

दा. २२/७/६६

सोमवार २०५२

ज्याष्ठ सुद : ६

४५ आगमना सेटनी किंमत - ₹. १५००/-
(भावि आगम-कार्य जाते)

आगम श्रुत प्रकाशन

मुद्रक

नवप्रभात प्रिन्टिंग प्रेस धीकांठारोड, अमदावाड.

कम्पोज

श्री शाहिडस २९, सुभाषनगर, गिरधरनगर,
शाहीबाग, अमदावाड.

[2]

આર્થિક અનુદાન દાતા

૪૫ આગમમાં મુખ્ય દ્રવ્ય સહાયક

પ્રિયભાષી કમલીવર્ણા શ્રી સૌમ્યગુણાશ્રીજીની પ્રેરણાથી

૪૫ ૨ સુ વ ગુ રા શ્રી ક મ કો ષ સિ ક

શ્રીમતી નયનાબેન રમેશચંદ્ર શાહ - સપ્તિવાર [વડોદરા]

● અલગ-અલગ આગમના મુખ્ય દ્રવ્ય સહાયકો ●

- ૧ સાધ્વીશ્રી રત્નત્રયાશ્રીજી મ. ના પરમવિનેયા સાધ્વીશ્રી સૌમ્યગુણાશ્રીજીની પ્રેરણાથી - શ્રી શાંતિલાલ કેશવલાલના બંગલે, ૨૦૫૧ ના ચાતુર્માસમાં થયેલી જ્ઞાનની ઉપજમાંથી - વડોદરા
- ૨ રત્નત્રયારાધકા સાધ્વીશ્રી સૌમ્યગુણાશ્રીજીની પ્રેરણાથી શ્રી હરિનગર જૈન સંઘ વડોદરામાં શ્રી પર્યુષણ પર્વમાં થયેલી સૂત્રોની બોલીની ઉપજમાંથી - સં. ૨૦૫૧
- ૩ સ્વનામધન્યા સાધ્વીશ્રી સૌમ્યગુણાશ્રીજીની પ્રેરણાથી-શ્રી શાંતિલાલ કેશવલાલના બંગલે, વડોદરા, ૨૦૫૧ના ચોમાસાની આરાધના નિમિત્તે
- ૪ પ્રશાંતમૂર્તિ સા.સૌમ્યગુણાશ્રીજીના શિષ્યા તપસ્વી સા.સમજાશ્રીજીના ૪૫ આગમના ૪૫ ઉપવાસ નિમિત્તે શા.કે.બંગલે થયેલ જ્ઞાનપૂજન તથા ગુરુભક્તો તરફથી. બરોડા
- ૫ સા. શ્રી રત્નત્રયાશ્રીજીના પ્રશિષ્યા સા. સમજાશ્રીજીના સિદ્ધિતપ નિમિત્તે સ્વ. રતિલાલ કાલીદાસ વોરાના સ્મરણાર્થે લીલીબેન રતીલાલ તરફથી, સુરેન્દ્રનગર.
- ૬ પૂ.રત્નત્રયાશ્રીજી મ.ની દ્વિતીયપુન્યતિથિ નિમિત્તે સા.મોક્ષરત્નાશ્રીજીની પ્રેરણાથી શાહ ખીમચંદ છગનલાલ પરિવાર, હ. મંજુલા બેન. ખેરવાવાળા [હાલ-મુંબઈ]
- ૭ સાધ્વી શ્રી સૌમ્યગુણાશ્રીજીના ઉપદેશથી શ્રી ગુજરાતી શ્વે. મૂ. જૈન સંઘ, મદ્રાસ હસ્તે શ્રી ઈન્દ્રવદન રતીલાલ દામાણી - વિંછીયાવાળા-હાલ-મદ્રાસ
- ૮ સા. શ્રી સૌમ્યગુણાશ્રીજીની પ્રેરણાથી, સ્વ. ચતુરાબેન પિતાબરદાસ પી. દામાણીના સ્મરણાર્થે તેમનો પરિવાર, હ. ઈન્દ્રવદન રતીલાલ દામાણી-વીંછીયાવાળા (મદ્રાસ)
- ૯ પૂ. ગુરુમાતા રત્નત્રયાશ્રીજીના અંતેવાસી સાધ્વી શ્રી સૌમ્યગુણાશ્રીજી ની પ્રેરણાથી પૂજ્યશ્રીની પુન્યતિથિ નિમિત્તે, શ્રી સાંકળીબાઈ જૈન શ્રાવિકા ઉપાશ્રય-ચણપુર તથા શ્રી જોરાવરનગર જૈન શ્રાવિકાસંઘની જ્ઞાનની ઉપજમાંથી
- ૧૦ શ્રીમતી દીપ્તીબેન સુનીલભાઈ પટેલ હ. નયનાબેન, લોસએન્જલેસ, અમેરિકા
- ૧૧ શ્રીમતી અનુપમા બહેન ભરતભાઈ ગુપ્તા. હ. નયનાબેન, વડોદરા
- ૧૨ શ્રીમતી પ્રિયંકાબેન પરાગભાઈ ઝવેરી, હ. નયનાબેન, મુંબઈ
- ૧૩ શ્રી અલકાપુરી-શ્વે. મૂર્તિ જૈનસંઘ-વડોદરા-હ. નયનાબેન
- ૧૪ શ્રી વાસુપૂજ્ય ચૈત્ય-મેહુલ સોસાયટી, સુભાનપુરા-જ્ઞાનખાતુ-વડોદરા હ. લાલુબેન
- ૧૫ શ્રીમતી સુમિત્રાબહેન હસમુખભાઈ સંઘવી, ખાનપુર (ઈન્દ્રોડા) અમદાવાદ

[3]

- ૧૬ સ્વ. મનસુખલાલ જગજીવનદાસ શાહ તથા સ્વ. મંગળાબેન જગજીવનદાસના સ્મરણાર્થે શાહ મેડિકલ સ્ટોર, ઘોરાજી વાળા, હ. અનુભાઈ તથા જગદીશભાઈ
- ૧૭ શ્રી કોઠીપોળ, શ્વે. મૂર્તિ. જૈન સંઘ, શ્રી શાંતિનાથ જિનાલય - જ્ઞાનખાતુ, વડોદરા
- ૧૮ શ્રી કારેલી બાગ શ્વે. મૂર્તિ. જૈનસંઘ, વડોદરા-હ. શાંતિભાઈ
- ૧૯ શ્રી કૃષ્ણનગર શ્વે. મૂર્તિ, જૈનસંઘ-અમદાવાદ.
- ૨૦ શ્રી કૃષ્ણનગર શ્વે. મૂર્તિ. જૈનસંઘ, અમદાવાદ
- ૨૧ સિદ્ધાન્તનિષ્ઠ પૂ. ગચ્છા.આ.શ્રી વિજયરામચંદ્રસૂરીશ્વરજી મ.સા.ના દિવ્યઆશીષથી - પટેલ આશાભાઈ સોમાભાઈ, હ. લલીતાબેન, સુભાનપુરા, વડોદરા
- ૨૨ સ્વ. વિરચંદભાઈ મણીલાલ લીંબડીવાળા, તથા સ્વ. જસુદબેન વિરચંદભાઈની શ્રુતજ્ઞાનારાધાનાની સ્મૃત્યર્થે તેમના સુપુત્રો તરફથી, અમદાવાદ
- ૨૩ વૈયાવચ્ચપરાયણા શ્રમણીવર્યા શ્રી અનંતગુણશ્રીજીની પ્રેરણાથી સમ્યગ્દર્શન આરાધના ભવનટ્રસ્ટ, અમદાવાદ તરફથી [શ્રી મહાનિસીહ સૂત્ર માટે]

● જપ - આગમ શ્લોક-ચોજના શાહક - દાતા ●

પ. પૂ. સા. સૌમ્યગુણશ્રી મ. ના ઉપદેશ તથા તેમના સંસારીભાઈ શ્રી ઈન્દ્રવદન રતીલાલ દામાણી (વિંછીયાવાળા) - મદ્રાસના પ્રેરક સૌજ્યથી

૧. શ્રીમતી ગુણીબેન જ્યાનંદભાઈ સી. કોઠારી, પાલનપુર, હાલ-મદ્રાસ
૨. શ્રીમતી દેવ્યાનીબેન ચંદ્રકાન્તભાઈ એમ. ઠોલીયા, વાંકાનેર, હાલ-મદ્રાસ
૩. શ્રીમતી સુશીલાબેન શાંતિભાઈ એન. વોરા, જામનગર, હાલ-મદ્રાસ
૪. શ્રીમતી પુષ્પાબેન અમૃતલાલ ટી. શાહ, ગુડા, હાલ-મદ્રાસ
૫. શ્રીમતી નિર્મલાબેન જ્ઞપતિભાઈ એસ. મહેતા, ધાન, હાલ-મદ્રાસ
૬. શ્રીમતી મધુકાન્તાબેન રતિલાલ જે. શાહ, વીંછીયા, હાલ-મદ્રાસ
૭. શ્રીમતી ગુણીબેન દિનેશભાઈ સી. શાહ, પાલનપુર, હાલ-મદ્રાસ
૮. શ્રીમતી મૃદુલાબેન પ્રિયકાન્તભાઈ સી. શાહ, ખૂળી, હાલ-મદ્રાસ
૯. શ્રીમતી નયનાબેન નરેન્દ્રભાઈ આર. શાહ, ખૂળી, હાલ-મદ્રાસ
૧૦. શ્રીમતી મંજુલાબેન ગુણવંતભાઈ સી. દોશી, મદ્રાસ
૧૧. શ્રીમતી કુંદનબેન રતીલાલ જે. શાહ કાપડીયા પરિવાર તરફથી લખતર, હાલ-મદ્રાસ
૧૨. શ્રી વાડીલાલ કાળીદાસભાઈ દોશી, ખોરબી, હાલ-મદ્રાસ
૧૩. મે. પી. બી. શાહ એન્ડ કું. હ. અરવિંદભાઈ ખોરબી, હાલ-મદ્રાસ
૧૪. સ્વ. પાતુશ્રી ચંપાબેનના સ્મરણાર્થે શ્રી નગીનદાસ અમૃતલાલ શાહ, મદ્રાસ
૧૫. અમરીબાઈના સ્મરણાર્થે હ. બાબુલાલ - મહાવીરચંદ બોહરા, મદ્રાસ

[4]

સા. મોહરત્નાશ્રીજી તથા સા. શ્રી સમજાશ્રીજીની પ્રેરણાથી - હાલ ધુલિયાવાળા

૧ કાંતિલાલ હજરીલાલ ચોવટીયા

૨ સંઘવી રતનલાલ ભગવાનદાસ રહીયા

૩ મધુમતી રાજેશ રેદાસની

૪ સરલાબેન રમેશચંદ્ર વોરા

૫ સુખનાભાઈ બાલચંદજી ચોરડીયા

૬ અ.સૌ.હંસાબેન ઉત્તમલાલ સુખડીયાના વર્ષિતપ નિમિત્તે ઉત્તમલાલ રતીલાલ ચણપુરાવાળા તરફથી

૭ સ્વ. પૂ. પિતાશ્રી ચતિલાલ તારાચંદ તથા કાન્તાબેન રતીલાલના આત્મશ્રોધાર્થે તેમના સુપુત્રો તરફથી

૧ સુખડીયા હસમુખલાલ વનેચંદ (જમવંચલી) નંદુરબાર

૨ ગં. સ્વ. સુરજબેન પદમશી શાહ. હ. જ્યોતિબેન નંદુરબાર

૩ સા. સમજાશ્રીજીની પ્રેરણાથી શ્રી અજિતનાથ - મંદિર શે. ખૂર્તિ સંઘના શ્રાવિકાલહેનો નંદુરબાર

૪ સા. સમજાશ્રીજીની પ્રેરણાથી - શાહ સુનિલાલજી શિવલાલજી, સોનગીર

૫ સુખડીયા ચત્રભુજ જગમોહનદાસ હ. વીરાભાઈ - ધોરાજી

૬ શાહ મફતલાલ ફકીરચંદ, વિધિખરક (ડભોઈ) હાલ-અમદાવાદ

૭ સા. શ્રી સૌમ્યગુણાશ્રીજીની પ્રેરણાથી રમેશચંદ્ર મનસુખલાલ શાહ, અમદાવાદ

૮ સા. શ્રી સૌમ્યગુણાશ્રીજીની પ્રેરણાથી શ્રીમતી જસુદેબેન લક્ષ્મીચંદ મેતા, હ. ઉન્દુભાઈ દામાણી, મુરત

૯ સા. શ્રી મોહરત્નાશ્રીજીની પ્રેરણાથી સ્વ. શ્રોમચંદ બોધાભાઈ પરિવાર હ. બાલુબેન, ચમપુરા

૧૦ પૂ. આગમોદ્ધારકશ્રીના સમુદાયના દીર્ઘસંઘથી વિદુષી સા. શ્રી સુતારાશ્રીજી જમનગરવાળાના ઉપદેશથી તથા તેમના પદ્મશિષ્યાની પુનિત પ્રેરણાથી

૧૧ ભોગીલાલ ત્રીભોવનદાસ શાહ, હ. નયનાબેન, વડોદરા

૧૨ સંગીતા અજમેરીયા - મોરબી

● જય જામનસેટ યોજના-લામદાસ ●

૧ પરમાર દીપ્તી રાજેશકુમાર-વડોદરા

૨. સા. શ્રી સૌમ્યગુણાશ્રીજીની પ્રેરણાથી કિરણબેન અજિતકુમાર કાપડીયા, વડોદરા

૩. સા. શ્રી સમજાશ્રીજીની પ્રેરણાથી - શ્રી નિજામપુરા જૈન સંઘ, વડોદરા

૪. સા. શ્રી સમજાશ્રીજીની પ્રેરણાથી - ચંદ્રિકાબેન મહેશભાઈ શાહ, વડોદરા

૫. સા. શ્રી મોહરત્નાશ્રીજીની પ્રેરણાથી ગં. સ્વ. વસંતબેન ત્રંબકલાલ દોશી, નંદુરબાર

૬. માણેકબેન શાહ- વડોદરા

૭. શોભનાબેન શાહ - વડોદરા

9

-: ગં યા ગુ ક્ક મ :-

ક્રમકો	વિષય	સુત્ર	શાહા	અનુક્રમ	પિટંકો
૧	મંગલ-શારણિ	-	૧-૩	૧-૩	૨-
૨	ગભ્મ-પયરણ	૧-૧૧	૪-૩૦	૫-૭	૨-૫
૩	જંતુલ્લ દત્ત-વસાઓ	૧૨-	૩૧-૪૪	૪૩-૫૭	૫-૬
૪	ધમ્મ-ઉલ્લસ વ ફલં	૧૩-૧૪	૪૫-૪૯	૫૮-૬૪	૬-૭
૫	દેહસંહનન-આહારહ	૧૫-૧૬.૨	૫૦-૫૬	૬૫-૭૪	૭-૯
૬	કાલ-પમાણં	-	૫૭-૭૬	૭૫-૯૫	૯-૧૦
૭	જનિયપં-અસુઈતં આઈ પ્રવૃત્તિ	૧૬.૩-૧૭	૭૭-૯૫	૯૬-૧૧૬	૧૦-૧૨
૮	ઉલ્લસ-ઉલ્લસાહાર	૧૮-૨૦	૯૬-૧૩૯	૧૧૭-૧૬૧	૧૨-૧૬

પરિસિદ્ધ-નિદંસણં

ક્રમ	પરિસિદ્ધં	પિટંકો
૧	વિસમાગુક્કમો	૮
૨	વિસિદ્ધસાગુક્કમો	૮
૩	વિસેસ નામાગુક્કમો	૮
૪	ગાહાગુક્કમો	૮
૫	સુતાગુક્કમો	૮

સુચના પત્ર

૧. આગમ સૂત્રોમાં ડાબી બાજુએ છપાયેલ પ્રથમ-અંક, સૂત્ર તથા ગાથાની સંયુક્ત સળંગ ક્રમાંક સુચવે છે. [અણુક્કમ]
૨. છેડે જમણી બાજુએ દર્શાવેલ સિન્દી ક્રમાંકન આગમમંજુલામાં છપાયેલ સૂત્રાંક અને ગાથાંક સુચવે છે. [કપ]
૩. સૂત્રને જણાવવા માટે અહીં ઉભા લીટા । । ની વચ્ચે આગમમંજુલાની સૂત્રાંક મૂકેલો છે. [સુતંકો]
૪. ગાથાને જણાવવા માટે અહીં બે ઉભા લીટા ॥ ॥ ની વચ્ચે આગમમંજુલા નો ગાથાંક મુકેલો છે. [ગાથંકો]
૫. છેડે જમણી બાજુએ દર્શાવેલ અંત્રેણ ક્રમાંક - વૃત્તિનો અંક જણાવવા માટે છે. અહીં આપેલ કોઈ પણ સૂત્ર કે ગાથાની વૃત્તિ જોવી હોય તો જે-તે અભ્યપનાદિ નો વૃત્તિમાં જે અંક હોય તે જ અંક અહીં અંત્રેણ ક્રમાંકન કરી નોંધેલો છે.
૬. અંત્રેણ ક્રમાંકન માં જ્યાં અંક પછી R આવે ત્યાં આ સૂત્રાંક કે ગાથાંક વૃત્તિમાં બીજી વખત આવેલો જણવો. - શોધવો.
૭. જ્યાં સૂત્રોમાં [] આ રીતે ચોરસ ક્ષેત્ર મુકેલો છે તે બે ચોરસ ક્ષેત્ર વચ્ચેનું લખાણ જાવ વાળા પાઠોની કરેલ પૂર્તિ દર્શાવે છે.

नमो नमो निम्नत दंशयस्स
पंचम नववार श्री सुधर्मा स्वामिने नमः

२८ तंदुलवेयालिय पइण्णयं

पंचमं पइण्णयं

- (१) निज्जरियजरा-भरणं वंदित्ता जिणवरं महावीरं ।
वोच्छं पइन्नसमिणं तंदुलवेयालियं नाम ॥१॥-१
- (२) सुण्ह गणिए दस दसा वाससयाउस्स जहा विभज्जंति ।
संकलिए वोगसिए जं चाऽऽ उं सेसयं होइ ॥२॥-२
- (३) जत्तियमेत्ते दिवसे जत्तिय राई मुहुत्त ऊसासे ।
गब्भम्मि वसइ जीवो आहारविहिं च वोच्छामि ॥३॥-३
- (४) दोत्रि अहोरत्तसए संपुत्रे सत्तसत्तारिं चेव ।
गब्भम्मि वसइ जीवो अद्धमहोरत्तमन्नं च ॥४॥-४
- (५) एए उ अहोरत्ता नियमा जीवस्स गब्भवासम्मि ।
हीणाऽहिया उ एत्तो उवघायवसेण जायंति ॥५॥-५
- (६) अट्ट सहस्सा तिन्नि उ सया मुहुत्ताण पन्नवीसा य ।
गब्भगओ वसइ जिओ नियमा हीणाऽहिया एत्तो ॥६॥-६
- (७) तिन्नेव य कोडीओ चउदस य हवंति सयसहस्साइं ।
दस चेव सहस्साइं दोत्रि सया पन्नवीसा य ॥७॥-७
- (८) उस्सासा निस्सासा एत्तियाभित्ता हवंति संकलिया ।
जीवस्स गब्भवासे नियमा हीणाऽहिया एत्तो ॥८॥-८
- (९) आउसो इत्थीए नाभिहेट्ठा सिरादुगं पुष्फनालियागारं ।
तस्स य हेट्ठा जोणी अहोमुहा संठिया कोसा ॥९॥-९
- (१०) तस्स य हिट्ठा चूयस्स मंजरी तारिसा उ मंसस्स ।
ते रिउकाले फुडिया सोमियलक्या विमुंचंति ॥१०॥-१०
- (११) कोसायारं जोमी संपत्ता सुक्कमीसिया जइया ।
तइया जीवुववाए जोग्गा भणिया जिण्णिदेहिं ॥११॥-११
- (१२) बारस चेव मुहुत्ता उवरिं विद्धंस गच्छई सा उ ।
जीवाणं परिसंखा लक्खपुहत्तं च उक्कोसा ॥१२॥-१२
- (१३) पणपन्नाय परेणं जोणी पमिलावए महिलियाणं ।
पणसत्तरीय परओ पाएण पुयं भवेऽबीओ ॥१३॥-१३
- (१४) वाससयाउयमेयं परेण जा होइ पुव्वकोडीओ ।
तस्सऽद्धे अमिलाया सव्वाउयवीसाभागे उ ॥१४॥-१४
- (१५) रतुक्कडा य इत्थी लक्खपुहत्तं च बारस मुहुत्ता ।
पिउसंख सयपुहत्तं बारस वासा उ गब्भस्स ॥१५॥-१५

(१६) दाहिनकुळी पुरिसस्स होइ यामा उ इत्थियाए उ ।

उभयंतरं नपुंसे तिरिए अट्ठेव वरिसाई

॥१६॥-१६

(१७) इमो खलु जीयो अप्पा-पिउसंजोगे माऊओयं पिउसुककं तं तदुभय-संसङ्ग कलुसं
किब्बिसं तप्पदमयाए आहारं आहारिता गम्भत्ताए वक्कमइ ।१७-१

(१८) सत्ताहं कल्लं होइ सत्ताहं होइ अब्बुयं ।

अब्बुया जायए पेसी पेसीओ वि घणं पवे

॥१७॥-१७

(१९) तो पढमे मासे करिसूणं पलं जायइ बीए मासे पेसी संजायए घणा तईए मासे माऊए
डोहलं जणइ चउत्थे मासे माऊए अंगाई पीणेइ पंचमे मासे पंच पिंडियाओ पाणि पाणि पायं सिरं
वेव निव्वत्तेइ छट्ठे मासे पित्तसोणियं उवचिणेइ-अंगोवंगं च निव्वत्तेइ-सत्तमे मासे सत्त सिरासयाई
पंच पेसीसयाई नव घमणीओ नवनउयं च रोमकूवसयसहस्साई ९९०००००० निव्वत्तेइ विणा
केस-मंसुणा सह केस-मंसुणा अट्ठुड्डाओ रोमकूवकोडीओ निव्वत्तेइ ३५००००००० अट्ठमे मासे
वित्तीकप्पो हवइ ।२१-२

(२०) जीवस्स णं भंते गम्भगयस्स समाणस्स अत्थि उच्चारे इ वा पासवणे इ वा खेले इ वा
सिंघाणे इ वा वंते इ वा पित्ते इ वा सुक्के इ वा सोणिए इ वा नो इणट्ठे समट्ठे से केणट्ठेणं भंते एयं
वुच्चइ-जीवस्स णं गम्भगयस्स समाणस्स नत्थि उच्चारे इ वा जाव सोणिए इ वा गोयमा जीवे णं
गबअभगए समाणे जं आहारमाहारेइ तं चिणाइ सोईदियत्ताए चक्खुईदियत्ताए घाणिदियत्ताए
जिम्भियत्ताए फासिदियत्ताए अट्ठि-अट्ठिमिंज-केस-मंसु-रोम-नहत्ताए से एएणं अट्ठेणं गोयमा
एयं वुच्चइ-जीवस्स णं गम्भगयस्स समाणस्स नत्थि उच्चारे इ वा जाव सोणिए इ वा ।३१-३

(२१) जीवे णं भंते गम्भगए समाणे पट्टु मुहेणं कावलियं आहारं आहारितए गोयमा नो
इणट्ठे समट्ठे से केणट्ठेणं भंते एयं वुच्चइ-जीवे णं गम्भगए समाणे नो पट्टु मुहेणं कावलियं आहारं
आहारितए गोयमा जीवे णं गम्भगए समाणे सव्वओ आहरेइ सव्वओ परिणामेइ सव्वओ ऊससइ
सव्वओ नीससइ अभिक्खणं आहारेइ अभिक्खणं ऊससइ अभिक्खणं नीससइ आहच्च आहारेइ
आहच्च परिणामेइ आहच्च ऊससइ आहच्च नीससइ से माउजीवसहरणी पुत्तजीवरसहरणी
माउजीवगडिबद्धा पुत्तजीवंपुड्डा तम्हा आहारेइ तम्हा परिणामेइ अवरा वि य णं पुत्तजीवपडिबद्धा
माउजीवपुड्डा तम्हा चिणाइ तम्हा उवचिणाइ से एएणं अट्ठेणं गोयमा एयं वुच्चइ-जीवे णं गम्भगए
समाणे नो पट्टु मुहेणं कावलियं आहारं आहारेत्ताए ।४१-४

(२२) जीवे णं भंते गम्भगए समाणे किमाहारं आहारेइ गोयमा जं से माया नाणाविहाओ
रसविगईओ तित्त-कडुय-कसायंबिल-महुराई दव्वाई आहारेइ तओ एगदेसेणं ओयमाहारेइ तस्स
फलबिंत्तरिसा उपपलनालोवमा भवइ नामी ! रसहरणी जणणीए सयाइ नामीए पडिबद्धा नामीए
ताओ गम्भो ओयं आइयइ अण्हयंतीए ओयाए तीए गम्भो विवइइई जाव जाओ ति ।५१-६

(२३) कइ णं भंते माउअंगा पन्नता गोयमा तओ माउअंगा पन्नता तं जहा-मंसे सोणिए
मत्थुलुंगे कइ णं भंते पिउअंगा पन्नता गोयमा तओ पिउअंगा पन्नता तं जहा-अट्ठि अट्ठिमिंजा केस-
मंसु-रोम-नहा ।६१-६

(२४) जीवे णं भंते गम्भगए समाणे नरएसु उववज्जेजा गोयमा अत्थेगइए उववज्जेजा
अत्थेगइए नो उववज्जेजा से केणट्ठेणं भंते एयं वुच्चइ जीवे णं गम्भगए समाणे नरएसु अत्थेगइए
उववज्जेजा अत्थेगइए नो उववज्जेजा गोयमा जे णं जीवे गम्भगए समाणे सत्री पंचिंदिए सव्वाहिं

पञ्जतीहिं पञ्जतए वीरियलद्धीए विभंगनाणलद्धीए वेउब्बिअलद्धीए वेउब्बियलद्धिपत्ते पगणीअं आगयं सोच्चा निसम्मं पएसे निच्छुहइ ता वेउब्बियसमुग्धाएणं समोहणइ ता चाउरंगिणि सेत्रं सत्राहेइ सत्राहिता पराणीएण सद्धि संगामं संगामेइ से णं जीवे अत्यकामए रज्जकामए भोगकामए कामकामए अत्यकंखिए रज्जकंखिए भोगकंखिए कामकंखिए अत्यपिवासिए रज्जपिवासिए भोगपिवासिए कामपिवासिए तच्चित्ते तम्मणे तल्लेसे तदज्जवसिए तत्तिव्वज्जवसाणे तदद्दोवउत्ते तदप्पियकरणे तब्भावणाभाविए एयंसि च णं अंतरंसि कालं करेज्जा नेरइएसु उववज्जेज्जा से एएणं अट्ठेणं गोयमा एवं वुच्चइ-जीवे णं गम्भगए समाणे नेरइएसु अत्येगइए उववज्जेज्जा अत्येगइए नो उववज्जेज्जा ।७-१७।

(२५) जीवे णं भंते गम्भगए समाणे देवलोएसु उववज्जेज्जा गोयमा अत्येगइए उववज्जेज्जा अत्येगइए नो उववज्जेज्जा से केणट्ठेणं भंते एवं वुच्चइ-अत्येगइए उववज्जेज्जा अत्येगइए नो उववज्जेज्जा गोयमा जे णं जीवे गम्भगए समाणे सण्णी पंचिंदिए सव्वाहिं पञ्जतीहिं पञ्जतए वेउब्बियलद्धीए वीरियलद्धीए ओहिनाणलद्धीए तहारूवस्स समणस्स वा माहणस्स वा अंतिए एगमवि आयरियं धम्मियं सुवयणं सोच्चा निसम्म तओ से भवइ तिव्वसंवेगसंजायसइडे तिव्वधम्माणुरायरते से णं जीवे धम्मकामए पुत्रकामए सगगकामए मोक्खकामए धम्मकंखिए पुत्रकंखिए सगगकंखिए मोक्खकंखिए धम्मपिवासिए पुत्रपिवासिए सगगपिवासिए मोक्खपिवासिए तच्चित्ते तम्मणे तल्लेसे तदज्जवसिए तत्तिव्वज्जवसाणे तदप्पियकरणे तदद्दोवउत्ते तब्भावणाभाविए एयंसि णं अंतरंसि कालं करेज्जा देवलोएसु उववज्जेज्जा से एएणं अट्ठेणं गोयमा एवं वुच्चइ-अत्येगइए उववज्जेज्जा अत्येगइए नो उववज्जेज्जा ।८-९।

(२६) जीवे णं भंते गम्भगए समाणे उत्ताणए वा पासिल्लए वा अयंखुअए वा जच्छेअ वा विट्ठेअ वा निसीएअ वा तुयट्ठेअ वा आसएअ वा सएअ वा माऊए सुयमाणीए सुयइ जागर-माणीए जागरइ सुहिआए सुहिओ भवइ दुहिआए दुहिओ भवइ हंता गोयमा जीवे णं गम्भगए समाणे उत्ताणए वा जाव दुक्खिआए दुक्खिओ भवइ ।९-९।

(२७) धिरजायं पि हु रक्खइ सम्मं सारक्खई तओ जणणी ।

संवाहई तुयट्ठइ रक्खइ अप्पं च गम्भं च ।।१८॥८

(२८) अनुसुयइ सुयंतीए जागरमाणीए जागरइ गम्भो

सुहियाए होइ सुहिओ दुहियाए दुक्खिओ होइ ।।१९॥९

(२९) उच्चारे पासवणे खेले सिंघाणए वि से नत्थि ।

अट्ठट्ठीमिंज-नह-कैस-मंतु-रोमेसु परिणामो ।।२०॥२०

(३०) आहारो परिणामो उस्सासो तह य चेव नीसासो ।

सव्वपएसेसु भवइ कवलाहारो य से नत्थि ।।प्र०॥

(३१) एवं बोदिमइगओ गम्भे संवसइ दुक्खिओ जीवो ।

परमत्तिभिसंधयारे अमेज्जमरिए पएसम्मि ।।२१॥२१

(३२) आउसो तओ नवमे मासे तीए वा पडुप्पत्रे वा अणाणए वा चउण्हं माया अन्नयरं पयायइ तं जहा-इत्थि वा इत्थिरूवेणं पुरिसं वा पुरिसरूवेणं नपुंसगं वा नपुंसगरूवेणं बिंदं वा बिंदरूवेणं ।१०-१०

- (३३) अप्यं सुक्कं बहुं ओयं इत्थीया तत्थ जायई ।
अप्यं ओयं बहुं सुक्कं पुरिसो तद्धं जायई ॥२२॥-२२
- (३४) दोण्हं पि रत्त-सुक्काणं तुल्लभावे नपुंसगो ।
इत्थीओयसमाओगे बिंबं तत्थ पज्जयइ ॥२३॥-२३
- (३५) अहं णं पसवणकालसमयांसि सीसेण वा पाएहिं वा आगच्छइ समभागच्छइ
तिरियमागच्छइ विणिघायमावज्जइ १९१-११
- (३६) कोई पुण पायकारी बारस संबच्छराइं उक्कोसं ।
अच्छइ उ गब्भवासे असुइप्पभवे असुइयम्मि ॥२४॥-२४
- (३७) जायमाणस्स जं दुक्खं मरमाणस्स वा पुणो ।
तेणं दुक्खेण सम्भूढो जाइं सरइ नऽप्यणो ॥२५॥-२५
- (३८) विस्सरसरं रसंतो तो सो जोणीमुद्दाउ निप्फिडइ ।
मारुए अप्यणो वि य वैयणमउतं जणेमाणो ॥२६॥-२६
- (३९) गब्भघरयम्मि जीवो कुंभीपागम्मि नरयसंकासे ।
वुच्छो अमेज्झमज्झे असुइप्पभवे असुइयम्मि ॥२७॥-२७
- (४०) पित्तस्स य सिंभस्स य सुक्कस्स य सोणियस्स वि य मज्झे ।
मुत्तस्स पुरीसस्स य जायइ जह वच्चकिमिउ च्च ॥२८॥-२८
- (४१) तं दाणि सोयकरणं केरिसगं होइ तस्स जीवस्स ।
सुक्क-रुहिरागराओ जस्सुप्पत्ती सरीरस्स ॥२९॥-२९
- (४२) एयारिसे सरीरे कलमलभरिए अमेज्झसंभूए ।
निययं विगणिज्जंतं सोयमयं केरिसं तस्स ॥३०॥-३०
- (४३) आउसो एवं जायस्स जंतुस्स कमेण दस दसाओ एवमाहिज्जंति तं जहा १९२-१२
- (४४) बाला किद्धा मंदा बला य पन्न य हायणि पवंचा ।
पब्भारा मुप्पुही सायणी य दसमा य कालदसा ॥३१॥-३१
- (४५) जायमित्तस्स जंतुस्स जा सा पढमिया दसा ।
न तत्थ सुक्ख दुक्खं वा पुहं जाणांति बालया ॥३२॥-३२
- (४६) बीयं च दसं पत्तो नाणाकोडाहिं कीडई ।
न य से कामभोगेसु तिव्वा उप्पज्जए भई ॥३३॥-३३
- (४७) तइयं च दसं पत्तो पंच कामगुणे नरो ।
समत्यो भुंजिउं भोगे जइ से अत्थि घरे धुवा ॥३४॥-३४
- (४८) चउत्थी उ बला नाम जं नरो दसमस्सिओ ।
समत्यो बलं दरिसेउं जइ सो भवे नितवद्दवो ॥३५॥-३५
- (४९) पंचमी उ दसं पत्तो आणुप्पुव्वीइ जो नरो ।
समत्यो अत्थं विचितेउ कुहुंबं चाभिगच्छई ॥३६॥-३६
- (५०) छट्ठी उ हायणी नाम जं नरो दसमस्सिओ ।
विरज्जइ काम भोगेसु इंदिएसु य हायई ॥३७॥-३७
- (५१) सत्तमी य पवंचा उ जं नरो दसमस्सिओ ।
निट्ठमइ चिक्कणं खेलं खासई य खणे खणे ॥३८॥-३८

- (५२) संकुड्यवलीचम्भो संपत्तो अड्ढमिं दसं ।
नारीणं च अणिड्ढो उ जराए परिणामिओ ॥३९॥-३९
- (५३) नवमी मुम्भुही नामं जं नरो दसमस्सिओ ।
जराधरे विनस्संते जीवो वसइ अकामओ ॥४०॥-४०
- (५४) हीण-भिन्नसरो दीनो विवरीओ विचित्तओ ।
दुब्बलो दुक्खिओ सुयइ संपत्तो दसमिं दसं ॥४१॥-४१
- (५५) दसगस्स उवक्खेवो वीसइवरिसो उ गिण्हई विज्जं ।
भोगा य तीसगस्सा चत्तालीसस्स वित्राणं ॥४२॥-४२
- (५६) पत्रासयस्स चक्खुं हायइ सड्ढिककयस्स बाहुवलं ।
सत्तरियस्स उ भोगा आसीकस्साऽऽयवित्त्राणं ॥४३॥-४३
- (५७) नउई नमइ सरिंरं पुत्रे वाससए जीवियं चयइ ।
केत्तिओ ऽत्थ सुहो भागो दुहभागो य केत्तिओ ॥४४॥-४४
- (५८) जो वाससयं जीवइ सुही भोगे य भुंजई ।
तस्सावि सेविउं सेओ धम्मो य जिनदेसिओ ॥४५॥-४५
- (५९) किं पुण सवच्चवाए जो नरो निच्चदुक्खिओ ।
सुट्टयरं तेण कायव्वो धम्मो य जिनदेसिओ ॥४६॥-४६
- (६०) नंदमाणो चरे धम्मं थरं मे लडुतरं भवे ।
अनंदमाणो वि चरे धम्मं मा मे पावतरं भवे ॥४७॥-४७
- (६१) न वि जाई कुलं वा वि विज्जा वा वि सुसिक्खिया ।
तारे नरं थ नारिं वा सव्वं पुत्रेहिं वड्ढई ॥४८॥-४८
- (६२) पुत्रेहिं हायमाणेहिं पुरिसागारो वि हायई ।
पुत्रेहिं वड्ढमाणेहिं पुरिसगारो दि वड्ढई ॥४९॥-४९

(६३) पुत्राई खलु आउसो किच्चाइ करणिज्जाई पीइकराई वन्नकराई धनकराई कित्ति-कराई नो य खलु आउसो एवं चित्तेयव्वं-एसिंति खलु बहवे समया आवलिया खणा आणापाणु थोवा लवा मुहुता दिवसा अहोरत्ता पक्खा मासा रिऊ अयणा संवच्छरा जुगा वाससया वासस-हस्सा वाससयसहस्सा वासकोडीओ वासकोडाकोडीओ जत्थ पं अण्णे बहूई सीलाई वयाई गुणाई वेरमणाई पच्चक्खाणाई पोसहोववासाई पडिवज्जिस्सामो पडुविस्सामो करिस्सामो ता किमत्थं आ-उसो नो एवं चित्तेयव्वं भवइ - अंतराडयबहुले खलु अयं जीविए इमे य बहवे वाइय-पित्तिय-सिंभिय-सन्निवाइया विविहा रोगायंका फुसंति जीवियं ।१३।-१३

(६४) आसी य खलु आउसो पुब्बिं मणुया ववगयरोगाऽऽपंका बहुवाससयसहस्स-जीविणो तं जहा-जुयलधम्मिया अरिहंता वा चक्कवट्ठी वा बलदेवा वा वासुदेवा वा चारणा विज्जाहरा, ते पं मणुया अणत्तिवरसोम-चारुलवा भोगुत्तमा भोगलक्खणधरा सुजायसव्वंगसुंद-रंगा रत्तुप्पल-पउमकर-चरणकोमलंगुलितला नग-नगर-मगर-सागर-चक्ककंधरं कलक्कणकिय-तला सुपइड्डियकुम्मचारुचलणा अनुपुब्बिसुजाय-पीवरं-गुलिया उत्रय-तणु-तंब-निद्धनहा संठिय-सुसि- लिङ्ग-गूढगोष्पा एणी-कुरुविदावत्त-वट्टाणपुब्बिजंथा सामुगनिम्मगूढाजणू गयससणसुजा-यसन्नि- भोरु वरवारणमत्त-तुल्लविककम-विलासियगई सुजायवरतुरयगुज्जदेसा आइत्रहउ व्व

निरुवलेवा पमुइवरतुरग-सीरुअइरेगवडियकडी साहयसोणंद-मुसलदप्पण-निगरियवरकण-गच्छ-
 हरसिस-वरवइरवलियमज्जा गंगावत्तपयाहिणावत्ततरंगमंगुर(विकिरणतरुण-बोहिय उक्कोसा-
 यंतपउमगंभीर-वियडनाभी उज्जुय-समसहिय-सुजाय-जञ्ज-तणु-कसिण-निद्ध-आएअ-सडह-सुकु-
 माल-मउय-रमणिज्जरोमराई झस-विहगसुजाय-पीणकुच्छी झसोयरा पम्हवियडनामा संगयपासा
 सन्न-यपासा सुंदरपासा सुजायपासा भियमाइय-पीण-रइयपासा अकरंडुयकणगरुयग-निम्मल-
 सुजाय-निरुवहयदेहधारी पसत्थ-बत्तीसलक्खणधरा कणगसित्तायलुञ्जलपसत्थ-समतल-उय-
 चिय-विच्छिन्नपिहुलवच्छा सिरिवच्छकियवच्छा पुरवरफलिवहवडियमुया भुयगीसरविउलभोगआ-
 याणफलिवह-उच्छुद्धदीहबाहु जूगसन्निमपीण-रइय-पीवरुडुसंठि-यउवचिय-घण-थिर-सुबद्ध-सुवद्ध-
 सुसिलिद्ध लट्टपव्वसंधी रततलोवचिय-मउय-मंसल-सुजाय-लक्खणपसत्थ-अच्छिइजालपाणी
 पीवर-वडिय-सुजाय-कमलवरंगुलिया तंब-तलिण-सुइ-रईर-निद्धनक्खा वंदपाणिलेहा सूर-
 पाणिलेहा संखपाणिलेहा चक्कपाणिलेहा सोत्थियपाणिलेहा ससि-रवि-संख-चक्क-सोत्थि-
 यविभत्त-सुविरइय-पाणिलेहा वरमहिस-वराह-सीहसदूल-उसप-नागवरविउल-पडिपुत्र-उत्रय-
 मउदक्खंधा चउरंगुल-सुपमाण-कंबुवरसरिसगीवा अवडिय-सुविभत्त-वित्तमंसु मंसल-संठिय-
 पसत्थ-सद्वलविउलहणुया ओयवियसिलप्पवाल-बिंबफलसन्नुमाघरुद्धा पंडुरसिसगलविमल-
 निम्मलसंख-गोखीर-कुंद-दग-रय-मुणालियाधवलदंतसेढी अखंडदंता अफुडियदंता अधिरलदंता
 सुनिद्धदंता सुजायदंता एग-दंतसेढी विव अनेगदंता हुयवहनद्धंत-थोय-तत्ततवमि-अरत्ततल-
 तालु-जीहा सारसनवथमियमहुरगंभीर-कुंचनिधोस दुंदुहिसरा गरुलायय-उज्जु-सुंगनासा अवदा-
 रिअपुंडरीयवयणा कोकासियधवलपुंडरीयपत्तलञ्जा आनामियचावरुइल-किण्हचिहुराइसु-
 संठिय-संगय-आयय-सुजायमुमया अझीण-पमाणजुत्तसवणा सुसवणापीण-मंसलकवोलदेस-
 भागा अइरुगय-समग्ग-सुनिद्ध-वंदद्धसंठियनिडाला उडुवइपडिपुत्र-सोमवयणा छतागारुतमंग-
 देसा धण-निचिय-सुबद्ध-लक्ख-गुअय-कूडागार निम निरुवमपिडियऽगसिरा हुययहनद्धंत-
 थोय-तत्ततवणिज्जकेसंतकेसभूमी सामलीबोडधणनिचियच्छोडिय - मिउ-दिसय-सुहुम-लक्खण-
 पसत्थ-सुगंधि-सुंदर-भुयमोयग-मिंग-नील-कञ्जल-पहट्टममरणनिद्ध-निउरंभनिचिय-कुंचिय-
 पयाहिणवत्तमुद्धसिरया लक्खण-वंजणगुणोववेया मानुम्मानपमाणपडिपुत्रसुजायसव्वंगसुंदरगा
 ससिसोमगारा कंता पियदंसणा सव्मावसिंसारचारुत्त्वा पासाईया दरिसणिजा अभिरुवा
 पडिरुवा, ते णं मणुया ओहस्सरा मेहस्सरा हंसस्सरा कोंचस्सरा नंदिस्सरा नंदिघोसा सीहस्सरा
 सीहधोसा मंजुस्सरा मंजुधोसा सुस्सरा सुस्सरधोसा अनुलोम वाउवेगा कंकगहणी कवोय-
 परिणामा सउणिप्फोस-पिंडुंतरोरुपरिणया पउमुप्पल गंधसरिसनीसासा सुरभिवयणा छवी
 निरायंका उत्तं-पसताऽइसेस-निरुवमत-जल्लमल-कलंक-सेय-रथ-दोसवअियसरीरा निरुवलेवा
 छायाउज्जोवियंगमंगा वज्जरिसहनारायसंघयणा समचउ- रंससंठाणसंठिया छधणुसहस्साइ उडुदं
 उद्धतेणं पन्नता ते णं मणुया दो छप्पत्रपिडुकरंडगसया पन्नता समणाउसो ते णं मणुया पगइभइया
 पगइविणीया पगइउवसंता पगइपयणुकोहमान-माया-लोभा मिउ-मइवसंपन्ना अझीणा भइया
 विपीया अप्पिच्छ असत्तिहिसंचया अचंडा असि-मसि-किसि-याणिज्जवियज्जिया दिडिमंतनि-
 वासिणो इच्छिय-कामकामिणो गेहागाररुक्खकयनिलया पुढवि-पुप्फ-फलाहारा ते णं मणुयगणा
 पन्नता 19४1-14

(६५) आसी य समणाउसो पुंवि मणुयाणं छविहे संघयणे तं जहा-वज्जरिसहनाराय-संघयणे रिसहनारायसंघयणे नारायसंघयणे अद्धनारायसंघयणे कीलियसंघयणे छेवइसंघयणे संपइ खलु आउसो मणुयाणं छेवइ संघयणे वइइ, आसी य आउसो पुंवि मणुयाणं छविहे संठाणे तं जहा-समचउरंसे नगोहपरिमंडले सादि खुजे वामणे हुंडे संपइ खलु आउसो मणुयाणं हुंडे संठाणे वइइ 19५1-15

- (६६) संघयणं संठाणं उच्चतं आउयं च मणुयाणं ।
अनुसमयं परिहायइ ओसपिणि कालदोसेणं ॥६०॥-50
- (६७) कोह-मय-माय-लोभा उस्सत्रं वइइए मणुस्ताणं ।
कूडतुल कूडमाणा तेणऽणुमाणेण सच्चं ति ॥६१॥-51
- (६८) विसमा अज तुलाओ विसमाणिय जणवएसु माणाणि ।
विसमा रायकुलाइं तेण उ विसमाइं वासाइं ॥६२॥-52
- (६९) विसमेसु य वासेसुं हुंति असासाइं ओसहिबलाइं ।
ओसहिदुब्बलेण य आउं परिहायइ नराणं ॥६३॥-53
- (७०) एवं परिहायमाणे लोए घं दु व्व कालपक्खमि ।
जे घम्मिया मणुस्ता सुजीवियं जीवियं तेसि ॥६४॥-54

(७१) आउसो से जहानामए केइ पुरिसे प्हाए कयबलिकम्मे कयकोउय-मंगल-पायच्छित्ते सिरंसिप्हाए कंठेमालकडे आविद्धमणि-सुवण्णे अहय-सुमरहघवत्य-परिहिए चंदणोकिक्कण्ण-गायसरीरे सरससुरहिगंधग्गोसीसचंदणाणुलित्तगते सुइमाला-वन्नग-विलेवणे कप्पियहारऽद्धहार-तिसरय-पालंबपलंबमाणकडिसुत्तयसुकयसोहे पिणद्धगेविजे अंगुलेअगलियंगयललियकयामरणे नाणामणि-कणग-रयणकडग-तुडियथंभियभुए अहियरूवसस्सिरीए कुंडलुओवियाणणे मउददि-त्तिसिए हारुच्छय-सुकय-रइयवच्छे पालंबपलंबमाण-सुकयपडउत्तरिजे मुद्धियापिंगलंगुलिये ना-नामणि-कणग-रयणाविमलमहरिहनिउणोविय-मिसिमिसित्त-विरइय-सुसिलिद्ध-विसिद्ध-लह-आ-विद्धरीयवलए किं बहुणा कप्परुक्खए येव अलंकिय-विपूसिए सुइपए मवित्ता अम्मा-पियरो अभिवादाएआ तए णं तं पुरिसं अम्मा-पियरो एवं दएआ-जीवा पुत्ता वाससयं ति तं पि आइं तस्स नो बहुयं मयइ क्का वाससयं जीवंतो वीसं जुगाइं जीवइ वीसं जुगाइं जीवंतो दो अयणसयाइं जीवइ दो अयणयाइं जीवंतो छ उउसयाइं जीवइ छ उउसयाइं जीवंतो बारस माससयाइं जीवइ बारस माससयाइं जीवंतो चउवीसं राइंदियसहस्साइं जीवइ छत्तीसं राइंदियसहस्साइं जीवंतो दस असीयाइं मुहुत्तसयसहस्साइं जीवइ दस असीयाइं मुहुत्तसयसहस्साइं जीवंतो चत्तारि ऊसास-कोडिसए सत्त य कौडीओ अडयालीसं च सयसहस्साइं चतालीसं च उसाससहस्साइं जीवइ चत्तारि य ऊसासकोडिसए जाव चतालीसं च ऊसासहस्साइं जीवंतो अद्धतेवीसं तंदुलवाहे भुंजइ क्कमहाउसो अद्धतेवीसं तंदुलवाहे भुंजइं गौयमा दुब्बलाए खंडियाणं बलियाए छडियाणं खइरमुसलपच्चाहयाणं ववगयतुस-कणियाणं अखंडाणं अफुडियाणं फलगसरियाणं इक्किक्क-बीयाणं अद्धतेरसपलियाणं पत्याएणं से वि य णं पत्याए मागहए कळं पत्यो सायं पत्यो दउ-सडित्तंदुलसाहस्सीओ मागहओ पत्यो बिसाहस्सिएणं कवलेणं बत्तीसंकवला पुरिसस्स आहारो अट्टावीसं इत्थियाए चउवीसं पंडगस्स एवमेव आउसो एयाए गणणाए दो असईओ पसई दो पसईओ य सेइया होइ चत्तारि सेइयाओ कुलओ चत्तारि कुलया पत्यो चत्तारि पत्या आढगं सट्ठी

आढगाणं जहत्रए कुंभे असीई आढयाणं मञ्जिमे कुंभे आढगसयं उक्कोसए कुंभे अट्टेव य आढग-
सयाणि वाहे एएणं वाहप्यमाणेणं अद्धतेवीसं तंदुलवाहे भुंजइ ते य गणियनिदिङ्गा- 19६-१1-16-1

(७२) चत्तारि य कौडिसया सद्धिं चैव य हवंति कौडीओ ।

असिइं च तंदुलसयसहसा हवंति ति मक्खायं 11५५11-55

(७३) तं एवं अद्धतेवीसं तंदुलवाहे भुंजंतो अद्धछट्टे मुग्गकुंभे भुंजइ अद्धछट्टे मुग्गकुंभे
भुंजतो चउवीसं नेहाढगसयाइं भुंजइ, घउवीसं नेहाढगसयाइं भुंजंतो छत्तीसं लवणपलसहस्साइं
भुंजइ छत्तीसं लवणपलसहस्साइं भुंजंतो छप्पडसाडगसयाइं नियंसेइ दौमासिएणं परिअट्टएणं
मासिएण वा परियट्टएणं बारस पडसाडगसयाइं नियंसेइ एवामेव आउसो वाससयाउयस्स सव्वं
गणियं तुलियं भवियं नेह-लवण-भोयण-ऽच्छायणं पि एयं गणियपमाणं दुविहं भणियं महरिसीहिं
जस्सऽत्थि तस्स गणिज्जइ जस्स नत्थि तस्स किं गणिज्जइ 19६-२1-16-2

(७४) ववहारगणिय दिट्ठं सुहुमं निच्छयगयं मुण्येयव्वं ।

जइ एयं न वि एयं विसम गणणा मुण्येयव्वा 11५६11-56

(७५) कालो परमनिरुद्धो अविभज्जो तं तु जाण समयं तु ।

समया य असंखेज्जा हवंति उस्सास-निस्सासे 11५७11-57

(७६) हट्टस्स अणवगल्लस्स निरुवकिट्टस्स जंतुणो ।

एणे ऊसास-नीसासे एस पाणु ति बुद्धइ 11५८11-58

(७७) सत्त पाणूणि से धोवे सत्त धोवामि से लवे ।

लधामं सत्तहत्तरिए एस मुहुत्ते वियाहिए 11५९11-59

(७८) एगमेगस्स णं भंते मुहुत्तस्स केवइया ऊसासा वियाहिया गोयमा 19६-३1-16-3

(७९) तिञ्चि सहस्सा सत्त य सयाइं तेवत्तरिं च ऊसासा ।

एस मुहुत्तो भणिओ सव्वेहिं अनंतनाणीहिं 11६०11-60

(८०) दो नालिया मुहुत्तो सद्धिं पुण नालिया अहोरतो ।

पन्नरस अहोरत्ता पक्खो पक्खा दुवे मासो 11६१11-61

(८१) दाडिमपुष्पागारा लोहमई नालिया उ कायव्वा ।

तीसे तलम्भि छिहं छिहपमाणं पुणो वोच्छं 11६२11-62

(८२) छन्नउइ पुच्छयाला तिवासजायाए गोति हाणीए ।

अस्संवलिया उज्जुय नायव्वं नालियाछिहं 11६३11-63

(८३) अहवा उ पुंछवाला दुवासजायाए गयकरेणूए ।

दो बाला उ अभग्गा नायव्वं नालियाछिहं 11६४11-64

(८४) अहवा सुवणमासा चत्तारि सुवट्टिया धणा सूई ।

चउरंगुलप्यमाणा कायव्वं नालियाछिहं 11६५11-65

(८५) उद्दगस्स नालियाए भवंति दो आढगा उपरिमाणं ।

उदगं च भाणियव्वं जारिसयं सं पुणो वोच्छं 11६६11-66

(८६) उदगं खलु नायव्वं कायव्वं दूसपट्टपरिपूयं ।

मेहोदगं पसन्नं सारइयं वा गिरिर्नईए 11६७11-67

- (८७) बारस मासा संबच्छरो उ पक्खा य ते चउव्वीसं ।
तित्रेव य सट्टसया हवन्ति राईदियाणं च ॥६८॥-६८
- (८८) एणं च सयसहस्सं तेरस चेव य भवे सहस्साइं ।
एणं च सयं नउयं हवन्ति राईदिऊसासा ॥६९॥-६९
- (८९) तेतीस सयसहस्सा पंचाणउई भंते सहस्साइं ।
सत्त य सया अणूणा हवन्ति मासेण ऊसासा ॥७०॥-७०
- (९०) चत्तारि य कोडीओ सत्तेव य हुंति सयसहस्साइं ।
अडयालीस सहस्सा चत्तारि सया य वरिसेणं ॥७१॥-७१
- (९१) चत्तारि य कोडिसया सत्त य कोडीओ हुंति अवरओ ।
अडयाल सयसहस्सा चत्तालीसं सहस्सा य ॥७२॥-७२
- (९२) वाससयाउस्सेए उस्सासा एत्तिया मुण्णेष्व्वा ।
पिच्छह आउस्स खयं अहोनिंसं शिज्जमाणस्स ॥७३॥-७३
- (९०) राईदिएण तीसं तु मुहुत्ता नघ सया उ मासेणं ।
हायंति पमत्ताणं न य णं अबुहा वियाणंति ॥७४॥-७४
- (९४) तिन्नि सहस्से सयले छ च सए उडुवरो हरइ आउं ।
हेमंते गिन्हासु य वासासु य होइ नायव्वं ॥७५॥-७५
- (९५) वाससयं परमाउं एत्तो पत्तास हरइ निहाए ।
एत्तो वीसइ हायइ बालते बुइढभावे य ॥७६॥-७६
- (९६) सी-उण्ह-पंचगमणे खुहा पिवासा मयं च सोगे य ।
नाणाविहा य रोगा हवन्ति तीसाइ पच्छे ॥७७॥-७७
- (९७) एवं पंचासीई नट्टा पत्तरसमेव जीवन्ति ।
जे होति वाससइया न य सुलहा वाससयजीवी ॥६८॥-७८
- (९८) एवं निस्सारे माणुसत्तणे जीविए अहिवडंते ।
न करेह वरणधम्मं पच्छा पच्छाणुत्तप्पिहिह ॥७९॥-७९
- (९९) घुट्टम्भि सयं मोहे जिणेहिं वरधम्मत्तित्यमग्गस्स ।
अत्ताणं च न याणह इह जाया कम्ममूमीए ॥८०॥-८०
- (१००) नइवेगसमं चवलं च जीवियं जोव्वणं च कुसुमसमं ।
सोक्खं च जमनियत्तं तिन्नि वि तुरमाणभोज्जाइं ॥८१॥-८१
- (१०१) एयं खु जरा-मरणं परिक्खिवइ वग्गुरा व मिगजूहं ।
न य णं पेच्छह पत्तं सम्मूढा मोहजालेणं ॥८२॥-८२

(१०२) आउसो जं पि य इमं सरिरे इट्ठं पियं कंतं मणुण्णं मणांमं मणाभिरामं येज्जं वेसासियं सम्मयं बहुमयं अनुमयं भंडकरंडगसमाणं रयणकरंडओ विव सुसंगोवियं चेलपेडा विव सुसंपरिवुडं तेल्लपेडा विव सुसंगोवियं मा णं उण्हं मा णं सीयं मा णं खुहा मा णं पिवासा मा णं चोरा मा णं वाला मा णं दंसा मा णं मसगा मा णं वाइय-पित्तिय-सिंभिय-सत्त्रिवाइया विविहा रोगायंका फुसंतु त्ति कट्टु एवं पि याइं अधुयं अनिययं असासयं वओवचइयं विष्णणासधम्मं पच्छा व पुरा व अवस्स विष्णचइयव्वं एयस्स वि याइं आउसो अनुपुव्वेणं अट्टारस य पिट्टकरंडग-संबंधीओ बारस

पंसुलिकरंड्या छप्पंसुलिए कडाहे बिहलिया कुच्छी चउरंगुलिआ गीवा चउपलिया जिब्मा दुपलियाणि अच्छीणी चउकवालं सिरं बतीसं दंता सतंगुलिया जीहा अद्धुइपलियं हिययं पणुवीसं पलाइं कालेजं दो अंता पंचवामा पत्रत्ता तं जहा-युद्धंते य तणुअंते य तत्व णं जे से युद्धंते तेणं उच्चारे परिणमइ तत्व णं जे से तणुयंते तेणं पासवणे परिणमइ दो पासा पत्रत्ता तं जहा-वामे पासे दाहिये पासे य तत्व णं से वामे पासे से सुहपरिणामे तत्व णं जे से दाहिये पासे से दुहपरिणामे आउसो इमम्मि सरीए सट्टं संधिसयं सत्तुतरं मम्मसयं तिन्नि अद्धिदामसयाइं नव प्णारुयसयाइं सत्त सिरासयाइं सत्तुतरं पंच पेसीसयाइं नव धमणीओ नवनउइं च रोमकूवसयसहस्साइं विणा केस-मंसुणा सह केस-मंसुणा अद्धुइओ रोमकूवकोडीओ आउसो इमम्मि सरीए सट्टं सिरासयं नाभिय्यभवाणं उद्धगामिणीणं सिरमुवागयाणं जाओ रसहरणीओ ति युद्धंति जाणं सि निरुवघातेणं चक्खु-सोय-धाण-जीहाबलं भवइ जाणं सि उवघाएणं चक्खु-सोय-धाण-जीहाबलं उवहम्मइ आउसो इमम्मि सरीए सट्टं सिरासयं नाभिय्यभवाणं अहोगामिणीणं पायतलमुवगयाणं जाणं सि निरुवघाएणं जंधाबलं हवइ जाणं चैव से उवघाएणं सीसवेयणा अद्धसीसवेयणा मत्थयसुले अच्छीणि अंधिज्जंति आउसो इमम्मि सरीए सट्टं सिरासयं नाभिय्यभवाणं तिरियगामिणीणं हत्थतलमुवगयाणं जाणं सि निरुवघाएणं बाहुबलं हवइ ताणं चैव से उवघाएणं पासवेयणा पोह्वेयणा कुच्छिवेयणा कुच्छिसूले भवइ आउसो इमस्स जंतुस्स सट्टं सिरासयं नाभिय्यभवाणं अहोगामिणीणं गुदपयिद्धाणं जाणं सि निरुवघाएणं मुत्त-पुरिस-वाउकम्मं पवत्तइ ताणं चैव उवघाएणं मुत्त-पुरिस-वाउनिरोहेणं अरिसाओ खुब्बंति पंडुरोगो भवइ आउसो इमस्स जंतुस्स पणवीसं सिराओ सिंमधारिणीओ पणवीसं सिराओ पित्तधारिणीओ दस सिराओ सुक्कधारिणीओ सत्त सिरासयाइं पुरिसस्स तीसूणाइं इत्थीयाए वीसूणाइं पंडगस्स आउसो इमस्स जंतुस्स रुहिरस्स आढयं वसाए अद्धाढयं मत्थुलिंगस्सपत्थो मुत्तस्स आढयं पुरीसस्स पत्थो पित्तस्स कुलवो सिंभस्स कुलवो सुक्कस्स अद्धकुलवो जं जाहे दुद्धं भवइ तं ताहे अइप्पमाणं भवइ पंचकोट्टे पुरिसे छक्कोट्टा इत्थिया नवसोए पुरिसे इक्कारससोया इत्थिया पंच पेसीसयाइं पुरिसस्स तीसूणाइं इत्थियाए वीसूणाइं पंडगस्स 19६1-18

(१०३) अब्भतरंसि कुणिमं जौ परिपतेउ बाहिरं कुआ ।

तं असुइं ददुणं सया वि जणणी दुगुछेज्जा ॥८३॥८३

(१०४) माणुस्सयं सरीरं पूइयं मंस-सुक्क-हट्टेणं ।

परिसंठवियं सोभइ अच्छायण-गंध-मल्लेणं ॥८४॥८४

(१०५) इमं चैव य सरीरं सीसघडीमेय-मज्ज-मंस-ऽद्धिय-मत्थुलिंग-सोमिय-यालुंडय-

घम्मकोस-नासिय-सिंघाणय-धीमलालयं अमणुण्णगं सीसघडीभंजियं गलंतनयणकण्णोद्ध-गंड-तालुयं अवालुया-खिल्लचिक्कणं चिलिचिलियं दंतमलमइलं बीभच्छदरिसणिज्जं असंलग-बाहुलग-अंगुली-अंगुडग-नहसंधिसंधायसंधियमिणं बहुरसियागारं नाल-खंधच्छिरा-अणेगण्णारु-बहुध-मणि-संधिनद्धं पागडउदर-कवालं कक्खनिकखुडं कक्खगकलियं दुरंतं अट्ठि-धमणिंसंताणसंतयं सब्बओ समंता परिसवंतं च रोमकवैहिं सयं असुइं समावओ परमदुब्धिगंधि कालिज्जय-अंत-पित्त-जर-हियय-फोफ्फस-फेफस-पिलिहोदर-गुञ्ज-कुणिम-नवच्छिद्ध-थिविधिविचिविधिवित्तहिययं दुरहि-पित्त-सिंभ-मुत्तोसहायतणं सब्बतो दुरंतं गुज्जोरु-जाणु-जंघा-पायसंबायसंधियं असुइ कुणिमगंधि

एवं चित्तिजमाणं बीमच्छदरिसणिजं अधुवं अनिययं असासयं सडण-यडण-विद्धंसणधम्मं पच्छा
व पुरा व अवस्सवइयव्यं निच्छयओ सुद्ध जाण एयं आइ-निहणं एरिसं सव्वमणुयाणं देहं एस
परमत्थओ सभावो ।१७।-१७

- (१०६) सुक्कम्मि सोणियम्मि य संभूओ जणणिकुच्छिमज्झम्मि ।
तं वेद अमज्झरसं नव पासे घुंठिउं संतो ॥८५॥-८५
- (१०७) जोणीमुहनिष्किडिओ थणगच्छीरेण वड्ढिओ जाओ ।
पगईअमेज्झमइओ किह देहो धोइउं सक्को ॥८६॥-८६
- (१०८) हा असुइसमुप्पत्रया य निग्गया य तेण चैव य बारेणं ।
सत्तया मोहपसत्तया रमंति तत्थेव असुइदारयम्मि ॥८७॥-८७
- (१०९) किह ताव घरकुडीरी कईसहस्सेहिं अपरितंतेहि ।
वत्तिज्जइ असुइविलं जघणं ति सकज्जमूदेहिं ॥८८॥-८८
- (११०) राणेण न जाणंती य वराया कलमलस्स निद्धमणं ।
ता णं परिनंदंती फुल्लं नीलुप्पलावणं व ॥८९॥-८९
- (१११) कत्तियमित्तं धण्णे अमिज्झमइयम्मि वच्चसंघाए ।
रागो हु न कायव्वो विरागमूले सरीरम्मि ॥९०॥-९०
- (११२) किमिकुलसयसंकिण्णे असुइमचोक्खे असासयमसारे ।
सेयमलपोच्चडम्मी निव्वेयं वच्चह सरीरे ॥९१॥-९१
- (११३) दंतमल-कण्णगूहग-सिंघाणमले य लालमलबहुले ।
एयारिसवीमच्छे दुगुंछणिज्जम्मि को रागो ॥९२॥-९२
- (११४) को सडण-यडण-विकिरण-विद्धंसण-घयण-मरणधम्मम्मि ।
देहम्मि अहीलासो कुहिय-कठिणकड्डभूयम्मि ॥९३॥-९३
- (११५) काग-सुणगाण भक्खे किमिकुलभत्ते य वाहिभत्ते य ।
देहम्मि भच्चुमत्ते सुसाणमत्तम्मि को रागो ॥९४॥-९४
- (११६) असुई अमेज्जपुत्रं कुण्णिम-कलेवरकुडिं परिसवंति ।
आगंतुयसंठावियं नवच्छिहमसासयं जाण ॥९५॥-९५
- (११७) पेच्छसि मुहं सत्तिलयं संविसेसं रायएण अहरेणं ।
सकडक्खं सवियारं तरलच्छि जोव्वणत्थीए ॥९६॥-९६
- (११८) पिच्छसि बाहिरमट्ट ने पिच्छसी उज्झरं कलमलस्स ।
मोहेण नच्चयंतो सीसघडीकजियं पियसि ॥९७॥-९७
- (११९) सीसघडीनिग्गालं जं निट्टहसी दुगुंछसी जं च ।
तं वेव रागरत्तो मूढो अइमुच्छिओ पियसि ॥९८॥-९८
- (१२०) पूइयसीसकवालं पूइयनासं च पूइदेहं च ।
पूइयच्छिद्धविच्छिद्धं पूइयचम्मेण य पिणद्धं ॥९९॥-९९
- (१२१) अंजणगुणसुदिसुद्धं प्हाणुव्वट्टणगुणेहिं सुकुमालं ।
पुष्फुम्मीसियकेसं जणेइ बालस्स तं रागं ॥१००॥-१००

- (१२२) जं सीसपूरओ त्ति य पुप्फाई भणति मंदवित्राणा ।
पुप्फाई चिय ताई सिसस्स य पूरयं सुणह ॥१०१॥-१०१
- (१२३) मैदो वसा य रसिया खेले सिंघाणए य सुभ एयं ।
अह सीसपूरओ भे नियगसरीरम्मि साहीणो ॥१०२॥-१०२
- (१२४) सा किर दुप्पाडिपूरा वच्चकुडी दुप्पया नवच्छिहा ।
उक्कडगंधविलित्ता बालजणोऽइमुच्छियं गिद्धो ॥१०३॥-१०३
- (१२५) जं पेम्भरागरत्तो अवयासेऊणं गूह-मुत्तोत्ति ।
दंतमलचिकूकणं सीसघडीकजियं पियसि ॥१०४॥-१०४
- (१२६) दंतमुसलेसु गहणं गयाण मंसे य ससय-मीयाणं ।
यालेसु य चमरीणं चम्म-नहे दीवियाणं व ॥१०५॥-१०५
- (१२७) पूइयकाए य इहं चवणमुहे निच्चकालवीसत्थो ।
आइक्खसु सम्भावं किण्हं सि गिद्धो तुं मूढ ॥१०६॥-१०६
- (१२८) दंता वि अकज्जकरा वाला वि विवड्ढमाणबीमच्छ ।
चम्मं पि य बीभच्छं भण किण्ह सि तं गओ रागं ॥१०७॥-१०७
- (१२९) सिंमे पित्ते मुत्ते गूहम्मि वसाए दंतकुडीसु ।
भणसु किमत्थं तुग्गं असुइम्मि वि वड्ढिओ रागो ॥१०८॥-१०८
- (१३०) जंघड्डियासु ऊरू पइड्डिया तड्डिया कडीपिड्डी ।
कडिपड्डिवैड्डियाइं अट्टारस पिड्डिअट्टीणि ॥१०९॥-१०९
- (१३१) दो अच्छिअड्डियाइं सोलस गीवड्डिया मुण्यव्वा ।
पिड्डीअड्डियाओ बारस किलं पंसुली हुंति ॥११०॥-११०
- (१३२) अड्डियकटिणे सिर-ण्हारुबंधणे मंस-चम्मलेदम्मि ।
विट्ठाकोट्टागारे को वच्चघरोवमे रागो ॥१११॥-१११
- (१३३) जह नाम वच्चकूवो निच्चं भिणिभिणिभिणतंकायकली ।
किमिएहिं सुलुसुलायइ सोएहि य पूइयं बहइ ॥११२॥-११२
- (१३४) उड्डियनयणं खगमुहविकट्टियं विप्पइअबहुलयं ।
अंतविकट्टियमालं सीसघडीपागडियधोरं ॥११३॥-११३
- (१३५) भिणिभिणिभिणंतसद्दं विसप्पियं-सुलुसुलेतमंसोडं ।
मिसिमिसिमिसंतकिमियं थिविथिविथिवयंतवीभच्छं ॥११४॥-११४
- (१३६) पागडियापासुलीयं विगरालं सुक्कसंधिसंघायं ।
पडियं निव्वेवणयं सररीमेयारिसं जाण ॥११५॥-११५
- (१३७) वच्चाओ असुइतरे नवहिं सोएहिं परिगलंतैहिं ।
आमगमल्लगरुवे निव्वेयं वच्चह सररी ॥११६॥-११६
- (१३८) दो हत्था दो पाया सीसं उच्चंपियं कबंधम्मि ।
कलमलकोट्टागारं परिवहसि दुयादुयं यधं ॥११७॥-११७
- (१३९) तं च किर रूववंतं वद्धंतं रायमग्गमोइअं ।
परगंधेहिं सुगंधय मज्जंतो अप्पणो गंधं ॥११८॥-११८

- (१४०) पाडल-चंपय-मल्लिय-अगुरुय-चंदण-तुरकुकवामीसं ।
गंधं समोयरंतं भ्रजंतो अप्पणो गंधं ॥१९९॥-११८
- (१४१) सुहवाससुरहिगंधं च ते मुहं अगुरुगंधियं अंगं ।
केसा ष्हाणसुगंधा कयरो ते अप्पणो गंधो ॥१२०॥-१२०
- (१४२) अच्छिमलो कन्नमलो खेलो सिंघाणओ य पूओ य ।
असुई मुत्त-पुरीसो एसो ते अप्पणो गंधो ॥१२१॥-१२१

(१४३) जाओ धिय इमाओ इत्थियाओ अनेगेहिं कइवरसहस्सेहिं विविहवासपडिबद्धेहिं कामरागमोहिंएहिं वत्रियाओ ताओ विच एरिसाओ तं जहा-पगइविसमाओ [पियरूसणाओ कति-यवचडुप्परूजातो अयककहसिय-भासिय-विलास-वीसंभ-पचूयाओ अविणयवातोलीओ मोह-महावत्तणीओ विसमाओ पिचवयणवल्लरीओ कइयवपेमगिरितडीओ अवराहसहस्सधरिणीओ पभवो सोगस्स विणासो बलस्स सूणा पुरिसाणं नासो लज्जाए संकरो अविणयस्स निलओ नियडीणं खाणी यइरस्स-सरीरं सोगस्स भेओ-मज्जायाणं आसओ रागस्स निलओ दुद्धरियाणं माईए सम्पोहे खलणा नाणस्स चलणं सीलस्स विन्धो धम्मस्स अरी साहूण दूसणं आयाएपत्तणं आरामो कम्मरयस्स फलिओ मुक्खमग्गस्स भवणं वारिदस्स अवि आइ ताओ आसीविसो विव कुवियाओ मत्तगओ विव मचणपरव्वसाओ वण्ठी धिय दुद्धहिययाओ तणच्छन्नकूयो धिय अप्पगास-हिययाओ मायाकारओ विव उवयारसयबंधणपओत्तीओ आधरियसविधं पिव दुग्गेज्जसब्बाओ फुंफुया विव अंतोदहणसीलाओ नग्गयमग्गो विव अणवद्वियचित्ताओ अंतोदुद्धवणो विव कुहियहिययाओ कण्हसपो विव अविस्ससणिज्जाओ संधारो विव छत्रमायाओ संझम्भरागो विव मुहुत्तरागाओ समुद्वीचीओ विव चलस्सभावाओ मच्छो विव दुप्परियत्तणसीलाओ वानरो विव चलचित्ताओ मच्चू विव निव्विसेसाओ कालो विव निरगुणकंपाओ वरुणो विव पासरूत्ताओ सल्लिमिव निन्नगामिणीओ किविणो विव उत्ताणहत्थाओ नरओ विव उत्तासणिज्जाओ खरो विव दुस्सीलाओ दुद्धस्सो विव दुद्धमाओ बालो इय मुहुत्तहिययाओ अंधकारपिव दुप्पवेत्ताओ विसवल्ली विव अणल्लियणिज्जाओ दुद्धगाहा इव वायी अणवगाहाओ ठाणमद्धो विव इस्सरो अप्पसं-साणिज्जाओ किंपाणफलमिव मुहमहुराओ रित्तमुट्ठी विव बाललोमणिज्जाओ मंसपेसीगहणमिव सोवइवाओ जलियचुडली विव अमुद्धमाणडहणसीलाओ अरिद्विमिव दुल्लघणिज्जाओ कूडकरि-सावणो विव कालविसंवायणसीलाओ चंडसीलो विव दुक्खरक्खियाओ अइविसायाओ दुगुठि-याओ दुरुवचाराओ अंगपीराओ अविस्ससणिज्जाओ अणत्थियाओ दुक्खरक्खियाओ दुक्ख-पालियाओ अरतिकराओ कक्कसाओ दढवेराओ रूथ-सोहगमउम्पत्ताओ भुयगणइकुडिल-हिययाओ कंताएगइट्ठाणभूयाओ कुल-सयण-मित्तमेयणकारियाओ परदोसपगासियाओ कयघा-ओ बलसोहियाओ एंगंतहरणकोलाओ पंचलाओ जाइमंडोयगारो विव मुहरागविरागाओ अवि याई ताओ अंतरं मंगसयं अरज्जुओ पासो अदारुया अडवी अणालस्सनिलओ अइक्खा वेयरणी अनामिओ वाही अवियोगो विप्पलावो अरुओ उवसग्गो रइवंतो चित्तविष्ममो सब्बंगओ दाहो अणब्भपसूया वज्जासणी असलिलप्पवाहो समुहरओ अवि याई तासिं इत्थियाणं अणेगणि नामनिरुत्ताणि-पुरिसे कामरागपडिबद्धे नाणाविहेहिं उदायसयहस्सेहिं वर-बंधणमाणयंति पुरिसाणं नो अत्रो एरिसो अरी अत्थि ति नारीओ तं जहा-नारीसमा न नराणं अरीओ नारीओ

नाणाविहेहिं कम्भेहिं सिप्ययाइएहिं पुरिसे मोहंति त्ति महिलाओ पुरिसे मत्ते करेति त्ति पमयाओ महंतं कलिं जणयंति त्ति महिलियाओ पुरिसे हावभावमाइएहिं रमंति त्ति रामाओ पुरिसे अंगागुराए करेति त्ति अंगणाओ नाणाविहेसु जुद्धमंडण-संगामाऽडवीसु मुहारणगिण्हण-सीउण्ह-दुक्ख-किलेसमाइएसु पुरिसे लालेति त्ति ललनाओ पुरिसे जोग-निओएहिं वसे ठांविती त्ति जोसियाओ पुरिसे नाणाविहेहिं भावेहिं वण्णंति त्ति वणियाओ काई पमत्तभावं काई पणयं सविम्ममं काई ससदं सासि व्व ववहरंति काई सत्तु व्व रोरो इव काई पयएसु पणमंति काई उवणएसु उवणमंति काई कोउयनम्मं त्ति काउं सुकडक्खनिरिकखएहिं सविलासमहुरेहिं उवहसिएहिं उवग-हिएहिं उवसदेहिं गुरुगदरिसणेहिं भूमिलिहण-विलिहणेहिं च आरुहण-नट्टणेहिं च बालयउवगूहणेहिं च अंगुली-फोडण-थणपीलण-कडितडजायणाहिं तत्राणाहिं च अवि याइं ताओ पासो व ववसित्तुं जे पंको व्व खुप्पिउं जे मच्चु व्व मारेउं जे अगणिं व्व डहिउं जे असि व्व छिज्जिउं जे १९८१-१८

(१४४) असि-मसिसारिच्छीणं कंतार-कवाड-चारयसमाणं ।

धोर-निउरंबकंदरचलंत-बीभच्छभावाणं ॥१२२॥-१२२

(१४५) दोससयगागरीणं अजससयविसम्पमाणहिययाणं ।

कइयवपत्रत्तीणं ताणं अन्नयालीसाणं ॥१२३॥-१२३

(१४६) अन्नं रयंति अन्नं रमंति अन्नस्स दिंति उल्लावं ।

अत्रो कडयंतरिओ अत्रो य पडंतरे ठविओ ॥१२४॥-१२४

(१४७) गंगाए बालुयं सायरे जलं हिमवतो य परिमाणं ।

उग्गस्स तवस्स गइं गब्भुप्पतिं च विलयाए ॥१२५॥-१२५

(१४८) सीहे कुंडुवयारस्स पोड्ल्ल कुक्कुहाइयं अस्से ।

जाणंति बुद्धिमंता महिलाहिययं न जाणंति ॥१२६॥-१२६

(१४९) एरिसगुणजुत्ताणं ताणं कइ इव असंठियमणाणं ।

न हु ये वीससियव्वं महिलाणं जीवलोगम्मि ॥१२७॥-१२७

(१५०) निद्धन्नयं च खलयं पुप्फेहिं विवज्जियं च आरामं ।

निट्टुद्धियं च धणुं लोए वि एतेस्सियं पिडं ॥१२८॥-१२८

(१५१) जेणंतरेण निमिसंति लोयणा तक्खणं च विगसंति ।

तेणंतरेण हिययं चित्त सहस्साडलं होइ ॥१२९॥-१२९

(१५२) जड्ढाणं वड्ढाणं निव्विण्णाणं च निव्विसेसाणं ।

संसारसूयराणं कहियं पि निरत्थयं होई ॥१३०॥-१३०

(१५३) किं पुतेहिं पियाहिं व अत्थेण व पिंडिएण बहुरएणं ।

जो मरणदेस-काले न होइ आलंबणं किंचि ॥१३१॥-१३१

(१५४) पुत्ता वयंति मिता चयंति भञ्जा विणं मयं चयइ ।

तं मरणदेस-काले न चयइ सुबिइज्जओ धम्मो ॥१३२॥-१३२

(१५५) धम्मो ताणं धम्मो सरणं धम्मो गई पड्डा य ।

धम्भेण सुवरिएण य गम्भइ अजरामरं ठाणं ॥१३३॥-१३३

(१५६)	पीईकरो वण्णकरो भासकरो जसकरो रइकरो य । अभयकर निव्वुइकरो पारतविइओ धम्मो	॥१३४॥-१३४
(१५७)	अमरवरोसु अणोवरुवं भोगोवभोगरिद्धी य । वित्राण-नाणमेव य लब्धइ सुकएण धम्मोणं	॥१३५॥-१३५
(१५८)	देविंद-चक्कवट्टित्ताणाई रआई इच्छिया भोगा । एयाइं धम्मलाभप्फलाइं जं चावि नेव्वाणं	॥१३६॥-१३६
(१५९)	आहारो उस्सासो संधिछिराओ य रोमकूवाइं । पित्तं रुहिरं सुक्कं गणियं गणियप्पहाणेहिं	॥१३७॥-१३७
(१६०)	एयं सोउ सरीरस्स वासाणं गणियपागडमहत्तयं । मोक्खपउमस्स ईहह सम्पत्तसहस्सपत्तस्स	॥१३८॥-१३८
(१६१)	एयं सगडसरीरं जाइ-जरा-मरण-वेयणाबहुलं । तह घत्तह काउं जे जह मुच्चह सव्वदुक्खाणं	॥१३९॥-१३९

२८ तंदुलवेयालीय पइण्णयं सम्पत्तं

पंचमं पइण्णयं समत्तं


[5]

:- अ-भा-रा- प्र-का-श-नी :-

- [१] अभिनव हेम लघुप्रक्रिया -१- सप्ताङ्ग विवरणम्
 [२] अभिनव हेम लघुप्रक्रिया -२- सप्ताङ्ग विवरणम्
 [३] अभिनव हेम लघुप्रक्रिया -३- सप्ताङ्ग विवरणम्
 [४] अभिनव हेम लघुप्रक्रिया -४- सप्ताङ्ग विवरणम्
 [५] वृद्धन्तमाला
 [६] चैत्यवन्दन पर्वमाला
 [७] चैत्यवन्दन सङ्ग्रह - तीर्थजिनविशेष
 [८] चैत्यवन्दन चोविशी
 [९] शत्रुञ्जय भक्ति [आवृत्ति-दो]
 [१०] अभिनव जैन पञ्चाङ्ग - २०४६
 [११] अभिनव उपदेश प्रासाद -१- श्रावक कर्तव्य - १ थी ११
 [१२] अभिनव उपदेश प्रासाद -२- श्रावक कर्तव्य - १२ थी १५
 [१३] अभिनव उपदेश प्रासाद -३- श्रावक कर्तव्य - १५ थी ३५
 [१४] नवपद-श्रीपाल - [शाश्वती ओणीना व्याख्यान रूपे]
 [१५] समाधिभरज्ञ [विधि-सूत्र-पद्य-आराधना- मरुत्तल्लेह-संग्रह]
 [१६] चैत्यवन्दनमाला [७७८ चैत्यवन्दनो नो संग्रह]
 [१७] तत्त्वार्थ सूत्र प्रबोधटीका [अध्याय-१]
 [१८] तत्त्वार्थ सूत्रना आगम आधार स्थानो
 [१९] सिद्धायलनो साथी [आवृत्ति-भे]
 [२०] चैत्यपरिपाटी
 [२१] अमदावाद जिनमंदिर उपाश्रय आदि डिरेक्टररी
 [२२] शत्रुञ्जय लज्जित [आवृत्ति-भे]
 [२३] श्री नवकारमंत्र नवलाभ ज्ञाप नोंधपोधी
 [२४] श्री चारित्र पद अेक करोड ज्ञाप नोंधपोधी
 [२५] श्री धारप्रत पुस्तिका तथा अन्य नियमो [आवृत्ति-भार]
 [२६] अभिनव जैन पंथांग- २०४२; [सर्व प्रथम, १३ विभागोमां]
 [२७] श्री ज्ञानपद पूजा
 [२८] अंतिम आराधना तथा साधु साध्वी काणधर्म विधि
 [२९] श्रावक अंतिम आराधना [आवृत्ति-त्रक्ष]
 [३०] वीतराग स्तुति संशय [११५१-त्वाववाही स्तुतिओ]
 [३१] (पूज्य आगमोद्धारकश्रीना समुदायना) कायमी संपर्क स्थगो
 [३२] तत्त्वार्थाधिगमसूत्र अभिनवटीका- अध्याय-१
 [३३] तत्त्वार्थाधिगमसूत्र अभिनवटीका - अध्याय-२
 [३४] तत्त्वार्थाधिगमसूत्र अभिनवटीका- अध्याय-३

[6]

- [३५] तत्त्वार्थाधिगम सूत्र अम्बिनवटीका- अध्याय-४
 [३६] तत्त्वार्थाधिगम सूत्र अम्बिनवटीका- अध्याय-५
 [३७] तत्त्वार्थाधिगम सूत्र अम्बिनवटीका- अध्याय-६
 [३८] तत्त्वार्थाधिगम सूत्र अम्बिनवटीका- अध्याय-७
 [३९] तत्त्वार्थाधिगम सूत्र अम्बिनवटीका- अध्याय-८
 [४०] तत्त्वार्थाधिगम सूत्र अम्बिनवटीका- अध्याय-९
 [४१] तत्त्वार्थाधिगमसूत्र अम्बिनवटीका- अध्याय-१०



[४२] आचारो	[आगमसुत्ताणि-१]	पढमं अंगसुत्तं
[४३] सूयगडो	[आगमसुत्ताणि-२]	बीअं अंगसुत्तं
[४४] ठाणं	[आगमसुत्ताणि-३]	तइयं अंगसुत्तं
[४५] समवाओ	[आगमसुत्ताणि-४]	चउत्थं अंगसुत्तं
[४६] विवाहपन्नत्ति	[आगमसुत्ताणि-५]	पंचमं अंगसुत्तं
[४७] नायाधम्मकहाओ	[आगमसुत्ताणि-६]	छट्ठं अंगसुत्तं
[४८] उवासगदसाओ	[आगमसुत्ताणि-७]	सत्तमं अंगसुत्तं
[४९] अंतगडदसाओ	[आगमसुत्ताणि-८]	अट्ठमं अंगसुत्तं
[५०] अनुत्तरोवकाईयदत्ताओ	[आगमसुत्ताणि-९]	नवमं अंगसुत्तं
[५१] पण्हावागरणं	[आगमसुत्ताणि-१०]	दसमं अंगसुत्तं
[५२] विवागसूयं	[आगमसुत्ताणि-११]	एक्करसमं अंगसुत्तं
[५३] उववाइअं	[आगमसुत्ताणि-१२]	पढमं उवंगसुत्तं
[५४] रायपसेणियं	[आगमसुत्ताणि-१३]	बीअं उवंगसुत्तं
[५५] जीवाजीवाभिगम	[आगमसुत्ताणि-१४]	तइयं उवंगसुत्तं
[५६] पन्नवणा-सुत्त	[आगमसुत्ताणि-१५]	चउत्थं उवंगसुत्तं
[५७] सूरपन्नत्ति	[आगमसुत्ताणि-१६]	पंचमं उवंगसुत्तं
[५८] चंदपन्नत्ति	[आगमसुत्ताणि-१७]	छट्ठं उवंगसुत्तं
[५९] जंबूद्दीवपन्नत्ति	[आगमसुत्ताणि-१८]	सत्तमं उवंगसुत्तं
[६०] निरयावत्तियाणं	[आगमसुत्ताणि-१९]	अट्ठमं उवंगसुत्तं
[६१] कप्पवडिसयाणं	[आगमसुत्ताणि-२०]	नवमं उवंगसुत्तं
[६२] पुष्फियाणं	[आगमसुत्ताणि-२१]	दसमं उवंगसुत्तं
[६३] पुष्फचूलियाणं	[आगमसुत्ताणि-२२]	एक्करसमं उवंगसुत्तं
[६४] वण्हिदसाणं	[आगमसुत्ताणि-२३]	बारसमं उवंगसुत्तं
[६५] चउसरण	[आगमसुत्ताणि-२४]	पढमं पईण्णमं
[६६] आउरपच्चक्खाण	[आगमसुत्ताणि-२५]	बीअं पईण्णमं
[६७] महापच्चक्खाण	[आगमसुत्ताणि-२६]	तइअं पईण्णमं
[६८] धत्त परिण्णा	[आगमसुत्ताणि-२७]	चउत्थं पईण्णमं

[7]

[૬૧] તંદુલવેયાલિયં	[આગમસુત્તાણિ-૨૮]	પંચમં પર્વણગં
[૭૦] સંધારગં	[આગમસુત્તાણિ-૨૯]	છટ્ઠં પર્વણગં
[૭૧] ગઢ્યાયાર	[આગમસુત્તાણિ-૩૦-૧]	સત્તમં પર્વણગં-૧
[૭૨] ચંદાવિજય	[આગમસુત્તાણિ-૩૦-૨]	સત્તમં પર્વણગં-૨
[૭૩] ગણિવિજ્ઞા	[આગમસુત્તાણિ-૩૧]	અટ્ઠમં પર્વણગં
[૭૪] દેવિંદત્યઓ	[આગમસુત્તાણિ-૩૨]	નવમં પર્વણગં
[૭૫] મરજસમાહિ	[આગમસુત્તાણિ-૩૩/૧]	દસમં પર્વણગં-૧
[૭૬] ધીરત્યવ	[આગમસુત્તાણિ-૩૩/૨]	દસમં પર્વણગં-૨
[૭૭] નિસીહ	[આગમસુત્તાણિ-૩૪]	પદમં છેયસુતં
[૭૮] વુહ્ત કપ્પો	[આગમસુત્તાણિ-૩૫]	વીઅં છેયસુતં
[૭૯] વવહાર	[આગમસુત્તાણિ-૩૬]	તદ્અં છેયસુતં
[૮૦] દસાસુયન્નવંધં	[આગમસુત્તાણિ-૩૭]	ચતુત્થં છેયસુતં
[૮૧] જીયકપ્પો	[આગમસુત્તાણિ-૩૮/૧]	પંચમ છેયસુતં-૧
[૮૨] પંચકપ્પમાસ	[આગમસુત્તાણિ-૩૮/૨]	પંચમ છેયસુતં-૨
[૮૩] મહાનિસીહ	[આગમસુત્તાણિ-૩૯]	છટ્ઠં છેયસુતં
[૮૪] આવસ્સયં	[આગમસુત્તાણિ-૪૦]	પદમં મૂલસુતં
[૮૫] ઓહનિચ્ચુત્તિ	[આગમસુત્તાણિ-૪૧/૧]	વીઅં મૂલસુતં-૧
[૮૬] પિંડનિચ્ચુત્તિ	[આગમસુત્તાણિ-૪૧/૨]	વીઅં મૂલસતં-૨
[૮૭] દસવેયાલિઅં	[આગમસુત્તાણિ-૪૨]	તદ્અં મૂલસુતં
[૮૮] ઉત્તરજ્ઞવણં	[આગમસુત્તાણિ-૪૩]	ચતુત્થં મૂલસુતં
[૮૯] નંદીસૂયં	[આગમસુત્તાણિ-૪૪]	પદ્મા ઘૂલિયા
[૯૦] અણુઓગદારાઈ	[આગમસુત્તાણિ-૪૫]	ચિતિયા ઘૂલિયા

નોંધ : પ્રકાશન ૧તી ૪૧ અભિનવ શ્વેત પ્રકાશને પ્રગટ કરેલ છે.

પ્રકાશન ૪૨-૮૦ આગમ શ્વેત પ્રકાશને પ્રગટ કરેલ છે.

● ૪૫ આગમ-સેટ ના પ્રાપ્તિસ્થાનો ●

શ્રી ડી. કે. ઠક્કર ૧૬, અલકાનગર, ડ્રિયલક્ષ્મી મિલ્સ પાસે એલેમ્બિક રોડ, વડોદરા	શ્રી જગદીશભાઈ એમ. શાહ ૧-અલકાનંદા સોસાયટી, આગ્રહ સ્વીટ્સ સામે, આશ્રમ રોડ, વાડજ, અમદાવાદ
શ્રીમતી નયનાબેન રમેશચંદ્ર શાહ ૨૦, ગૌતમનગર સોસાયટી રેસકોર્સ સર્કલ પાસે, વડોદરા	ડૉ. પિનાકીન એન. શાહ ૨૧, મુલ્યાષનગર, ગિરધરનગર, શાહીબાગ, અમદાવાદ

નોંધ:- આગમના ૧-સેટ માટે “આગમ શ્વેત પ્રકાશન” વડોદરા નો રૂ. ૧૫૦૦/-
ની કિંમતનો પ્રકટ આપીને જ સેટ મેળવી શકશો.

:-: પરિસિદ્ધ-નિદંત્તણં :-:

- ૧ પઢમં પરિસિદ્ધં - ‘વિસયાણુક્કમો’
આ પરિશિષ્ટમાં ૪૫-[૪૯] આગમનાં વિષયોની બૃહદ્ અનુક્રમણિકા છે. જે માટે અમારું ભાવિ પ્રકાશન ‘‘૪૫-આગમ બુહત્ વિસય કોસ’’ જેવું.
- ૨- વીયં પરિસિદ્ધં ‘‘વિસિદ્ધ સદાણુક્કમો’’
આ પરિશિષ્ટમાં ૪૫-[૪૯] આગમનાં વિશિષ્ટ શબ્દો કક્કાવારી મુજબ ગોઠવામેલા છે. તથા જે-તે શબ્દ જે-જે આગમમાં આવેલો છે તેનો સ્થળ નિર્દેશ કરેલો છે. તેને આગમ શબ્દ સંદર્ભ-કોસ પણ કહી શકાય તે માટે અમારું ભાવિ પ્રકાશન ‘‘૪૫-આગમ વિસિદ્ધ સદ્કોસ’’ જેવું.
- ૩- ત્તયં પરિસિદ્ધં- ‘‘વિસેસ નામાણુક્કમો’’
૪૫-[૪૯] આગમમાં આવતા પણ નામો જેવા કે ગોયમ, સોમિલ, ...વગેરે કક્કાવારી ક્રમમાં ગોઠવી, તેનો આગમ-સંદર્ભ આ પરિશિષ્ટમાં રજૂ કરાયો છે. જે માટે અમારું ભાવિ પ્રકાશન ‘‘૪૫-આગમ વિસેસ નામ કોસ’’ જેવું.
- ૪- ચ્ચત્તયં પરિસિદ્ધં - ‘‘ગાહાણુક્કમો’’
૪૫-[૪૯] આગમમાં આવતી ગાથાને જ કારાદિ ક્રમમાં રજૂ કરેલ છે. સાથે સાથે તે-તે ગાથાનો સ્થળ નિર્દેશ કરેલો છે. જે માટે અમારું ભાવિ પ્રકાશન ‘‘૪૫-આગમ ગાહાણુક્કમો’’ જેવું.
- ૫- પંચમં પરિસિદ્ધં ‘‘સુત્તાણુક્કમો’’
૪૫-[૪૯] આગમમાં આવતા સૂત્રોને જ કારાદિ ક્રમમાં સ્થળ નિર્દેશ પૂર્વક રજૂ કરવા વિચારણા છે. ભાવિ ઉપયોગિતા વિશેષ તજજ્ઞ-અભિપ્રાયધારે હવે પછી તૈયાર કરવા ભાવના છે.



નોંધ :- સમગ્ર ૪૫ આગમમાં પ્રત્યેક સૂત્ર કે ગાથાને અંતે અંગ્રેજી ક્રમાંકન થકી વૃત્તિનો અંક નિર્દેશ છે. તે વૃત્તિમાં છ છેડ સૂત્રો અને ચંદપન્નત્તિ સિવાયના આગમો માટે અમે પૂ. આગમોદ્ધારક શ્રી સંશોધિત સંપાદિત અને (૧) આગમોદય સ્મૃતિ, (૨) દેવચંદ લાલભાઈ ઠંડ (૩) ઋષભદેવ કેસરીમલ પેઠી એ ત્રણ સંસ્થાના પ્રકાશનો જ લીધા છે. - ચંદ પન્નત્તિ માટે હસ્ત લિખિત પ્રત લીધેલી છે, - બુહત્કપ્પો - પૂ. પુન્યવિજયજી મ.સંપાદિત, નિસીહ-પૂ.કનૈમાલાલજી સંપાદિત, વચ્ચાર, પૂ.મુનિ માત્રેક સંપાદિત, જીયકપ્પો. પૂ.જીનવિજયજી સંપાદિત છે મહાનિસીહ ની વૃત્તિનથી. દસાસુયક્કચંધ ની પૂર્ણિજ મળી છે. માટે તેનું ક્રમાંકન થઈ શકેલ નથી.

४५-आगमना प्रधान आर्थिक अनुदाता

स.स्य.३ शु.ता.नु.रा.णी श्र.म.श्री.पा.सि.का

श्रीमती नयनालहेन रमेशचंद्र शाह - परिवार, वडोदरा

प्रस्तुत आगमनां मुख्य द्रव्य सहायक